

das ihnen etwan der Fluß zu schwach / vnd zu bald entgehet. Wenn du nun das an einem ort merckest / oder die art kenneest / so nimb ein wenig rohen Weinstein / oder Glasgalle vnter den Fluß / das hält allsdann den Fluß länger auff / vnd bringet das Korn auch reiner zusammen.

**I**tem / so ein Kupffer Erß ins Gebirge eingesprenget / wie das zu probieren sey.

**S**o dir ein Kupffer Erß / als Kieß / vnd dergleichen / daß hin vnd wieder im Gebirge eingesprenget stehet / vnd die menige zuhawen wäre / zuhanden kompt / so probier es also : Reib es auff's kleinste / vnd wieg ab eine höle vnd sicher / vnd zeuch es zu Schlich / laß alsdann den Schlich wieder mehlich trucken werden / vnd wiege den / so findest du / wie viel dir die höle gemenget Erß Schlich giebet / Darnach wiege des Schlichs 2. Centner ab / röst / richt ihn zu / vnd send ihn an / gleicherweiß wie du zuvordem andern gethan hast / so findest du seinen Kupffer König / darnach kanst du deine Rechnung machen.

Erstlich / wie viel eine höle des eingesprengeten Kupffer Erßes / Kupffer schlich giebet.

Zum andern / was dem Schlich im rösten abgehet.

Zum dritten / was derselbe Schlich für Kupffer giebet.